

Fondo BJP ta presenta su di dos ronda di subsidio Caribense na April 2026

Fondo BJP ta haci un biahe di trabou pa di dos biaha na Islanan Caribense den Reino pa sigui contribui na sosten di e periodistanan local. Den e prome tanda a atende cu 20 proyecto y e prome publicacionnan ya a keda realiza (wak mas abou na fin di e boletin aki pa bo haya un bista di esey).

Na April 2026 Joëlle Terburg, director statuario y Wensly Francisco, experto di Fondo BJP cu ta atende cu e areglonan di BJP pa e seis Islanan Caribense den Reino, lo haci un di dos bishita di trabou. E bishita lo ta dedica na uni y fortifica mundo di periodismo local. Nos ta presenta e programa di e di dos tanda di subsidio na encuentronan publico na cada isla y duna e periodistanan cu a haci uzo di e fondonan di e prome ronda di subsidio un oportunidad pa nan bin dilanti.

Joëlle Terburg: “Mi ta ansioso pa sigui papia cu tur esnan cu nos a topa na nos prome bishita di trabou y asina sigui siña mas tocante e tradicion periodistico di e islanan. Nos ta spera cu e presentacion pa e di dos tanda di subsidio y e combersacionnan cu periodista, trahado di programa, redaccion y otronan lo yuda crea mas profundisacion den nos sosten pa periodismo na e islanan.”

Wensly Francisco: “Mi ta sumamente interesa pa tende di e proyectonan di e periodistanan cu nos a sostene den e prome tanda. Kico tabata resultado di nan trabou? Mi ta spera cu nos por entusiasma tambe esnan cu no a pidi subsidio den e prome tanda of esnan cu no a haya subsidio ainda, pa nan por bin dilanti cu proyecto mas grandi.”

Durante e bishita di trabou, lo tin encuentro publico pero tambe lo haci bishita di cortesía na redaccionnan y otro organisacion y instancia cu ta activo den media y periodismo.

Na cuminsamento di otro aña, nos lo publica e fechanan di e encuentronan publico na cada un di e islanan, invitando cordialmente periodista, fotografo, creado di documental, trahado di programa di radio y di podcast y escritornan no-ficcion. Hefe di redaccion, cabesante di departamento, director di media y editor tambe ta bonbini. Nos ta traha ademas cu personanan cu ta fungi como nos contactonan local, mescos cu nos a haci na nos prome bishita. Pa planea un reunion separa, bo por tuma contacto cu nos for di e momento ey.